

# TULAFONO TAU FAAOFI O TEUTEUGA O LE TULAFONO O LE FAAFOEGA O LAFOGA 2019

## SAMOA


### Faamatalaga e Faamalamalama ai

#### 1.0 Sini ma mafuaaga:

- 1.1 Ua taumafai le Tulafono Tau Faaofi e teuteu le Tulafono o le Faafoega o Lafoga 2012 ma ia faia o teuteuga faatupulaia i le Tulafono o Tiute 2014, e faatagaina ai le Minisita ia ona mauaina o avanoa i faamatalaga tau lafoga ma tiute, mo faamoemoega o le Tulafono.

#### Fuaiupu:

- Fuaiupu 1:** - ua aiaia ai mo le igoa puupuu ma le amataga.
- Fuaiupu 2:** - ua teuteuina ai le fuaiupu 9 o le Tulafono o le Faafoega o Lafoga 2012, e faatagaina ai le Minisita ia ona mauaina o avanoa i faamatalaga tau lafoga mo faamoemoega o le Tulafono o le Faafoega o Lafoga 2012.
- Fuaiupu 3:** - ua aiaia ai mo teuteuga faatupulaia i le Tulafono o Tiute 2014, e faatagaina ai le Minisita ia ona mauaina o avanoa i faamatalaga tau Tiute mo faamoemoega o le Tulafono o Tiute 2014.

  
.....  
(Hon FIAME Naomi Mataafa)

**SUI MINISITA MO TUPE MAUA**

**TULAFONO TAU FAAOFI O TEUTEUGA O LE  
TULAFONO O LE FAAFOEGA O LAFOGA 2019**

**SAMOA**

**Faatulagaina o Aiaiga**

1. Igoa puupuu ma le amataga
2. Ua teuteuina le fuaiupu 9
3. Teuteuga faatupulaia i le Tulafono o le Ofisa o Tiute 2014

---

**2019, Nu.**

**O SE TULAFONO TAU FAAOFI UA TAUA**

**O SE TULAFONO** e teuteu ai le Tulafono o le Faafoega o Lafoga 2012 (“Tulafono Autu”) ma ia faia ai o teuteuga faatupulaia i le Tulafono o le Ofisa o Tiute 2014.

**UA FAIA** e le Fono Aoao Faitulafono a Samoa i totonu o le Palemene ua potopoto e faapea:

**1. Igoa puupuu ma le amataga:**

E mafai ona taua lenei Tulafono o le Tulafono o Teuteuga o le Tulafono o le Faafoega o Lafoga 2019 ma e amata faamamaluina i le aso e tuuina i ai le maliega a le O Le Ao o le Malo.

**2. Ua teuteuina le fuaiupu 9:**

- (1) I totonu o le fuaiupu 9(4)(d) o le Tulafono Autu, ia suia le faailoga piriota i le faailoga semi kolona “;”.
- (2) I le tuanai ai o le fuaiupu 9(4)(d) o le Tulafono Autu, ia faaofi le fuaitau:

“(e) o faamatalaga i le Minisita e pei ona ono talafeagai ai mo faamoemoega o le Tulafono.”.

**3. Teuteuga faautupulaia i le Tulafono o le Ofisa o Tiute 2014:**

I le tuanai ai o le fuaiupu 56 o le Tulafono o le Ofisa o Tiute 2014, ia faaofi:

**“56A. Avanoa o le Minisita i faamatalaga:**

- (1) I le noatia ma le fai fuafua i aiaiga o lenei Tulafono, e mafai e le Minisita ona maua avanoa i so o se faamatalaga, faamaumauga po o pepa aloaia e faasino i faamoemoega tau Tiute e pei ona ono mafai ona talafeagai ai mo faamoemoega o le Tulafono.
- (2) So o se faamatalaga lea e maua i ai avanoa o le Minisita po o le faailoaina atu i le Minisita mo faamoemoega o lenei Tulafono, e ao ona teuina i se tulaga agatapuaia e ia, seia vagana ai ua faatagaina o ia i lalo o lenei Tulafono po o so o se isi lava tulafono, mo le faailoaina atu o ia faamatalaga.
- (3) O le faafuaiupu (2) e faaogā i le Minisita, a o faagasolo lona taimi i le tofi Minisita ma e faaauau i le tuanai ai ona ia lē toe umia le tofiga faa-Minisita.”.